

# КАНОН ВСЕМ СВЯТЫМ

Читается в субботу

## Тропарь, глас 2-й

Апóстоли, мýченицы и прорóцы, святítелие, преподóбнии и прáведнии, дóбре пóдвиг совершившии и веру соблюдиши, дерзновéние имúще ко Спáсу, о нас Тогó, я́ко Блáга, моли́те спаст́ся, мо́лимся, душáм нáшим.

## Канон, глас 8-й

### Песнь 1

*Ирмос:* Песнь возслém лю́дие чúдному Бóгу нáшему, свободívшему Изрáиля от рабóты, песнь побéдную пою́ще и вопию́ще: поём Тебé Ед́ному Влады́це.

*Припев:* Все святíи, моли́те Бóга о нас.

Прорóческий собóре, апóстольское сослóвие, мýченик во́инства, Влады́ку всех моли́те спаст́ся мне, прегрешéнии мнóгими обдерж́имому.

Все святíи, моли́те Бóга о нас.

Иерáршеский собóре, преподóбнии и прáведнии вси, благ вéчных улуч́ити моли́тесь, véрою вас блажа́щим.

*Слава:* Всех святых Тво́их, Гóсподи, воспевáем чíны, я́ко моли́твами их озаря́еши дúши нáша: Ты бо еси́ Свет непрестúпный, невéдения мрак отгоня́й, присносúщными Тво́ими свéтлостыми.

*И ныне:* Пресвятáя Дéво Мáти, я́же Бóга, Пресвятóе Слóво, родилá еси́, освятí всех véрою Тя со все́ми святýми сла́вящих, мо́лимся.

### Песнь 3

*Ирмос:* Ты еси́ утверждéние притека́ющих к Тебé, Гóсподи, Ты еси́ Свет омрач́енных, и поёт Ты дух мой.

Все святíи, моли́те Бóга о нас.

Свящ́еннейший лик вас Божéственных прорóк велича́ем, и мýченик мнóжество, пострада́вших крéпко, почита́ем моля́щися: да ю́же сла́ву получи́сте, сея́ и мы причáстницы бы́ти сподóбимся ва́шими моли́твами.

Все святíи, моли́те Бóга о нас.

Святéйшии Христóвы иерáрси, и честн́ии преподóбных собóри, со все́ми святýми о всех нас Человеколóбца Бóга моли́те, мо́лим вы.

*Слава:* Зако́ну повинúющися Твоёмú, угóдников Тво́их собóри, многообráзными добродéтельми освети́шася: сегó рáди наслéдницы бы́ша обителéй Тво́их Небéсных, Влады́ко Царю́: ихже моли́твами, да и нас та́можде всели́ши, Премíлостиве.

*И ныне:* Богорáдованная Чíстая, со все́ми прорóки, мýдрыми, апóстола, священномýченики и со все́ми прáведными, моли́ Гóспода, я́ко да соверш́енное разрешéние прегрешéний при́имем.

## Песнь 4

*Ирмос:* Услы́шах, Го́споди, смотре́ния Твоего́ та́инство, разуме́х дела́ Твоя́ и просла́вих Твое́ Божество́.

Вси святи́и, моли́те Бо́га о нас.

Восхваля́ем вас, благоглаго́ливии проро́цы, и воспева́ем богови́дцы апо́столи, со все́ми до́бре о Го́споде тече́ние соверша́вшими: я́ко да моли́твами ва́шими и мы настоя́щаго жити́я тече́ние богоуго́дно соверши́ти возмо́жем.

Вси святи́и, моли́те Бо́га о нас.

Я́ко многосве́тлыя звёзды, добродете́лей све́тлостию оза́ряете ве́рных исполне́ния, преподо́бнии отцы́ на́ши, и вся Бо́жии уго́дницы: се́го ра́ди вас ублажа́ем.

*Слава:* Совоку́плься собо́р святи́х Твои́х, Го́споди, ра́ди любви́, и то́я наслажда́ющесея, со Ангелы́ лику́ет о Тебе́, Всеви́дче Го́споди всех: е́гоже ликова́ния да и нас сподо́биши, моли́твами уго́дников Твои́х, Всеси́льне.

*И ныне:* Еди́на Бо́га Воплоще́ннаго ро́ждши, Всесвята́я, Того́ умоли́ в день стра́шный всех нас спасти́, и жизни́ ве́чныя, и све́та сподо́бити, е́гоже зрят вси до́бре угоди́вшии.

## Песнь 5

*Ирмос:* Утре́нующе вопи́ем Ти, Го́споди, спаси́ ны: Ты бо еси́ Бог наш, ра́зве Тебе́ ино́го не ве́мы.

Вси святи́и, моли́те Бо́га о нас.

Святи́телие, проро́цы, преподо́бнейшии отцы́ и богоно́сцы, луча́ми Ду́ха просвеща́юще всю тварь, тму́ разоря́йте страсте́й на́ших, мо́лим вы.

Вси святи́и, моли́те Бо́га о нас.

Ра́ны ва́ша и я́звы, врагу́ яви́шася я́звы неисце́льныя: я́звы же ны́не исцеля́ют всем ве́рным, страда́льцы Господни.

*Слава:* Иера́рхи Твоя́, и священному́ченики, и вся святи́я просвети́вый, Го́споди, тех моли́твами уще́дри мя, ве́дый безме́рная моя́ прегреше́ния.

*И ныне:* Пречи́стая Де́во, похвало́ му́чеников, преподо́бных и пра́ведных, и всех святи́х, от вся́каго мучи́тельства лука́ваго изми́ мя, молю́ся.

## Песнь 6

*Ирмос:* Ри́зу мне пода́ждь све́тлу, оде́йся све́том я́ко ри́зою, Многоми́лостиве Христе́ Бо́же наш.

Вси святи́и, моли́те Бо́га о нас.

Денни́ца светоза́рная познáни бы́сте на земли́, благоче́стия све́том оза́ривше ве́рных, пресла́внии Христо́вы ору́жницы и святи́телие пра́веднии.

Вси святи́и, моли́те Бо́га о нас.

Умерщвле́ни бы́вше ран мно́гих наведе́ньми, жизнь и́стинную насле́довасте: вку́пе моли́те Христа́ спасти́ вся ве́рная, святи́и му́ченицы.

*Слава:* Сла́ва прему́дрым свя́тителем, и преподо́бным, и всем святи́м, Ты еси́, Христе́: моли́твами их лю́ди Твоя́ уще́дри, ихже Своёю кро́вию, я́ко Человеколю́бец, стяжа́л еси́.

*И ныне:* Воспева́ем Тя ве́рнии, Богора́дованная Влады́чице: Препе́таго бо Бо́га роди́ла еси́. Е́гоже моли́, Пречи́стая, гра́ду и лю́дем Твои́м в ми́ре спасти́ся.

## Кондак, глас 8-й

Яко начатки естества Насадителю твари, вселенная приносит Ти, Господи, богоносныя мученики: тех молитвами в мире глубоче, Церковь Твою, жительство Твое, Богородицею соблюди, Многомилостиве.

### Икос

Иже по всей земли мучившиися, и на Небеса преселившиися, иже страсти Христовы подражавшии, и страсти наша отъемлющи, zde днесь собираются, перворожденных показующе Церковь, яко горняя образ содержащу, и Христу вопиюще: Бог мой еси Ты, Богородицею соблюди мя, Многомилостиве.

### Песнь 7

*Ирмос:* Отроцы благочестивии в Вавилоне образу златому не поклоняшася, но посреде огненных печи орошаеми, песнь воспеваху, глаголюще: превозносимый отцев и нас, Боже, благословен еси.

Вси святии, молите Бога о нас.

Святых чини, во святых почивающего немолчно восхваляюще, пищи небесныя наслаждаетесь, и радуящиеся ликуете поюще: отцев наших Боже, благословен еси.

Вси святии, молите Бога о нас.

Светозранныи святителие, и преподобнии, и пророцы, и священномученик досточудное множество, и в постничестве просиявшии светло, присно о нас молитесь, да помиловани будем, поющии с вами: отцев наших Боже, благословен еси.

*Слава:* Радуящиеся поем Твоих, Господи, всех святых собор отсюда собравшихся, и роды вкупе, и достоинства, и жительства, и с ними поем зовуще: отцев наших Боже, благословен еси.

*И ныне:* С мученики, Пречистая, с преподобными отцы, с пророки и всеми святыми, во святых Единого Почивающего умоли всех освятити нас, славословящих Тя во вся веки.

### Песнь 8

*Ирмос:* Богоглаголивии отроцы в пещи, со огнем пламень попирающе пояху: благословите дела Господня, Господа.

Вси святии, молите Бога о нас.

Святителие, пророцы, апостоли, мученицы и вси святии, подвиг скончавше, священное улучисте водворение со Ангелы: с ними же просите очищения всем нам и велия милости.

Вси святии, молите Бога о нас.

Умертвивше плоть болезнями многими, жизни сподобистесь будущия, преподобнии: юже получитьи и нам молитесь, угодницы Божии, молим вы.

*Слава:* Священницы Твои, Христе, правдою облечени преподобне и вси святии от века, ныне купно радуются, Твою доброту зряще Божественную яснейше: юже зрети и нас, ради святых Твоих представительства сподоби, Человеколюбче.

*И ныне:* Богородительнице Чистая, со всеми пророки, и мученики, и преподобными, священномученики и со всеми святыми, ущедрити нас Всемилостиваго Спаса моли, молимтися.

## Песнь 9

*Ирмос:* Воистинну Богородицу Тя исповедуем, спасенни Тобою, Дево Чистая, с безплотными лики Тя величающе.

Вси святїи, молите Бѳга о нас.

Вас, священнодейственни пастырие, пророк святых лик, праведных безчисленное множество, мученик собор, постников, девственников и всех святых, священными песнями убожаем, да молитесь всех Владыку о спасении душ наших.

Вси святїи, молите Бѳга о нас.

Яко служителие Владыце, священнотайницы явльшися, совокупистесь служителем небесным: с нимиже о нас моления приносите, молим вас.

*Слава:* Со священномученики купно, и со всеми пророки, убожаем вся преподобныя и праведныя, девы и жены светло доблествовавшия: тех мольбами, Христе, избави геенны души наша.

*И ныне:* Щедролюбиваго Бѳга рождающая плотию, со святыми всеми моли Того присно от бед спасти нас, всегда Тя величающих, Мати Дево Чистая.